

საქართველოში რეგისტრირებული დანაშაულის სტატისტიკა და კვარტალური ანგარიში

(იანვარი-მარტი, 2012-2013 წწ.)

საზოგადოებრივი ინტერესის შესაბამისად, საქართველოს შინაგან საქმეთა სამინისტრო წარმოადგენს სისხლის სამართლის სტატისტიკის ერთიან ანგარიშს 2013 წლის მარტის მდგომარეობით, რომელიც ჯამურად აერთიანებს ყველა საგამოძიებო უწყების მონაცემებს. დანაშაულის სტატისტიკა, ძირითადი და დამატებითი პრიორიტეტული პარამეტრების საფუძველზე, მოცემულია დანაშაულთა კლასიფიკაციის სტანდარტული სქემის შესაბამისად და მათ შორის ცალკე აღრიცხულია ყველაზე მეტად გავრცელებული და საზოგადოებრივად რელევანტური დანაშაულობები. შევნიშნავთ, რომ მოცემული ანგარიშგება ფარავს სისხლის სამართლის პროცესის დიდ ნაწილს, დანაშაულის ჩადენის მომენტიდან პირის ბრალდებულის სახით პასუხისმგებლობაში მიცემამდე, კვალიფიკაციის შეცვლის, საქმეთა გაერთიანება-გამოყოფის, წარმოებით შეწყვეტის და ა.შ. ჩათვლით, გარდა სასამართლო განაჩენის კანონიერ ძალაში შესვლის, მსჯავრდებულის გათავისუფლების და საზოგადოებაში რეინტეგრაციის კომპონენტებისა. წინამდებარე ანგარიშისათვის სააღრიცხვო ერთეულს წარმოადგენს რაოდენობრივი და ტიპოლოგიური მაჩვენებლები ”რეგისტრირებული დანაშაულის ფაქტის” შესახებ, აგრეთვე, მასთან გარკვეულ კომბინაციაში - ”დანაშაულის ჩამდენი პირი”.

რაც შეეხება კრიმინოგენური ვითარების საერთო შეფასებას (რასთანაც პირდაპირ კავშირშია, როგორც მთელი რიგი კრიმინოლოგიური დამახასიათებელი ნიშნებისა (სუბიექტური და ობიექტური ფაქტორების ურთიერთგემოქმედება, სეზონური რხევა, ბუნებრივი პირობები და ხდომილებები...), ასევე ზოგადი სოციალ-პოლიტიკური მდგომარეობა (მაგ: კონკრეტული პერიოდის მოცემულობიდან გამომდინარე, სამოხელეო დანაშაულის მაჩვენებლის უპრეცედენტოდ მაღალი ზრდა (მაგ: სსკ მუხლი 332-ე, +14900%; სსკ მუხლი 333-ე, +5550%; სსკ მუხლი 342-ე, +3200% და ა.შ.) და სხვა მრავალი ცალკეული არაორდინალური მდგენელი (მასშტაბური ამნისტია, სამართალდამცავ უწყებათა პირადი შემადგენლობის გარკვეული როტაცია და ა.შ.), მიუხედავად ჯამური მაჩვენებლების გარკვეული მატებისა, საზოგადოებრივი უშიშროებისა და უსაფრთხოების მაღალი დონე მთლიანობაში შენარჩუნებულია, ხოლო კრიმინალური სიტუაცია დაახლოებით თანაზომადია ამ კუთხით 2009-2010 წლებში არსებულისა და ხარისხობრივად აღემატება ადრეული წლების მდგომარეობას. ცალკე უნდა აღინიშნოს, რომ მოსალოდნელი რისკ-ფაქტორების შეფასებისა და პერსპექტიული პროგნოზირების შესაბამისად დაგეგმილი და ოპერატიულად გატარებული პრევენტულ-პროფილაქტიკური ღონისძიებების შედეგად,

ამნისტიით გამოწვეული უარყოფითი დინამიკა პრაქტიკულად ნიველირებულია და აღნიშნული ფაქტორის საერთო კრიმინალურ სიტუაციაზე ნეგატიური ზეგავლენის ხარისხი დღევანდელი მდგომარეობით მინიმუმამდეა დაყვანილი. ამასთან, წინსწრებით შევნიშნავთ და ქვემოთ დეტალურად განვმარტავთ მიზეზთა იმ ერთობლიობას, რომელთა გამოც, კატეგორიულად მიზანშეწონელია კრიმინალური სიტუაციის გაუარესება-გაუმჯობესების დინამიკის პირდაპირი შეფასება მხოლოდ სხვადასხვა მეთოდოლოგიით გაანგარიშებული რაოდენობრივი მონაცემების ურთიერთშედარების საფუძველზე.

უშუალოდ 2013 წლის მარტის თვისა და იანვარ-მარტის ინტერვალის კუმულატიურ მაჩვენებლებთან მიმართებაში კი, ახალი მეთოდოლოგიით დათვლილი საერთო მონაცემები შესაბამისად 24,7 და 16,6 პროცენტითაა მომატებული. ამასთან აღსანიშნავია, რომ წინა წლის ანალოგიურ საანგარიშო პერიოდთან შედარებით გაზრდილია დანაშაულის გახსნის მაჩვენებლებიც, მარტისათვის 21,9-დან 25,5%-მდე, ხოლო იანვარ-მარტის პერიოდისათვის კი - 28,8-დან 32,7 პროცენტამდე.

პერიოდი	2012 წელი			2013 წელი			+ მატება - კლება
	სულ რეგისტრირებული	გახსნა	გახსნის%	სულ რეგისტრირებული	გახსნა	გახსნის%	
იანვარი	3266	733	22,44%	3927	972	24,75%	+661 +20,24%
თებერვალი	3300	710	21,52%	3818	826	21,63%	+518 +15,7%
იანვარი-თებერვალი	6530	1712	26,22%	7610	2169	28,5%	+1080 +16,54%
მარტი	3525	773	21,9%	4396	1124	25,5%	+871 +24,7%
იანვარი-მარტი	10033	2890	28,8%	11708	3837	32,7%	+1675 +16,6%

შენიშვნა: 1. მონაცემები დათვლილია ახალი მეთოდოლოგიის მიხედვით, 2013 წლის 8 აპრილის მდგომარეობით;

2. მონაცემები მოიცავს მთელს საქართველოს - შინაგან საქმეთა სამინისტროს, პროკურატურისა და სხვა სახელმწიფო უწყებების საგამოძიებო სრულყოფილი მაჩვენებლების ჩათვლით.

გარდა ამისა, არა მხოლოდ იანვარ-მარტის თვეების გარკვეული სპეციფიურობიდან და ზამთრის პერიოდისათვის დამახასიათებელი რიგი თავისებურებებიდან გამომდინარე, დასახელებულ ინტერვალში კრიმინალური ელემენტების გააქტიურების ტენდენცია შეინიშნება ბოლო ორი წლის განმავლობაშიც. შედარებისათვის, 2012 წლის იანვარი 2011 წლის ანალოგიურ საანგარიშო პერიოდთან მიმართებაში დანაშაულის საერთო რაოდენობის 10,6%, თებერვალში 19,5%, მარტში 4,7%, ხოლო იანვარ-მარტში კი 20,2%-იანი მატება დაფიქსირდა.

პერიოდი	2011 წელი			2012 წელი			+ მატება - კლება
	სულ რეგისტრირებული	გახსნა	გახსნის%	სულ რეგისტრირებული	გახსნა	გახსნის%	
იანვარი	2954	954	32,3%	3266	733	22,4%	+312 +10,6%
თებერვალი	2762	985	35,7%	3300	710	21,5%	+538 +19,5%
იანვარი-თებერვალი	5433	2079	38,3%	6530	1712	26,2%	+1097 +20,2%
მარტი	3368	1133	33,6%	3525	773	21,9%	+157 +4,7%
იანვარი-მარტი	8344	3421	41,0%	10033	2890	28,8%	+1689 +20,2%

აქვე შევნიშნავთ, რომ წინა წლებისაგან განსხვავებით, ქვემოთ მოცემულ ერთიან სტატისტიკურ ანგარიშში შესული ინფორმაცია კომპილირებული და სისტემატიზირებულია თვისობრივად გადამუშავებული მეთოდოლოგიური საფუძვლების გამოყენებით, ამავდროულად, ერთიანი სააღრიცხვო სტატისტიკური მოდულისა და სისხლის სამართალწარმოების ელექტრონული სისტემების მეშვეობით მინიმუმამდეა დაყვანილი ლატენცურობის ხარისხი, რაც თავის მხრივ, ინფორმაციის მაქსიმალური სისრულიდან და სიზუსტიდან გამომდინარე, ზრდის რეგისტრირებული დანაშაულის საერთო რაოდენობას.

მეტი თვალსაჩინოობისათვის, ხსენებულ კონტექსტში შეიძლება გამოიყოს რამდენიმე ტიპური შემთხვევა, კერძოდ:

ა) წარმოებით შეწყვეტილი სისხლის სამართლის საქმეები, მიუხედავად შეწყვეტის საფუძვლისა, აღრინდელი ტიპის სტატისტიკურ რაპორტში არ აისახებოდა.

ბ) საქმის გახსნილად გამოცხადების ერთადერთ საფუძველს ბრალის წარდგენის შესახებ დადგენილება წარმოადგენდა. თუმცა, იმ დროისათვის მოქმედ საალრიცხოვო სისტემას არ გააჩნდა ბრალის კომპონენტის გარეშე საქმის გახსნილად ჩათვლის მექანიზმი, ამიტომ, რათა არ მომხდარიყო გაუხსნელი საქმეების რიცხვის გაუმართლებელი გაზრდა, ასეთი დანაშაულობები ერთიანი კონსოლიდირებული რაპორტის ფორმაში საერთოდ არ გაითვალისწინებოდა.

დღევანდელი მდგომარეობით, ელექტრონულ საალრიცხოვო სისტემაზე გადასვლამ აღნიშნული მეთოდოლოგიური ხარვეზის გამოსწორების საშუალება მოგვცა. შესაბამისად, ნებისმიერი ისეთი საფუძვლით შეწყვეტილი სისხლის სამართლის საქმე, რომელიც დანაშაულს არ გამოიყვამს (პროკურორის დისკრეციული უფლებამოსილება, განრიდება, მედიაცია, ქმედითი მონანიება, ბრალის არარსებობა...), მიმდინარე კონსოლიდირებული სტატისტიკური ანგარიშისათვის უკვე წარმოადგენს საალრიცხოვო ობიექტს. ასეთმა მიდგომამ, ერთის მხრივ ცხადია გამოიწვია საანგარიშო ფორმებში ასახული დანაშაულის რაოდენობრივი მაჩვენებლების მატება, თუმცა, მეორეს მხრივ უზრუნველყო აღრიცხვიანობის სისრულე და სიზუსტე და მაქსიმალურად დაუახლოვა რეალობას.

მაგალითისათვის, მხოლოდ შეწყვეტილი, ანუ საერთო რაოდენობაში იმ კატეგორიის სისხლის სამართლის საქმეთა ხვედრითი წილი, რომელიც აღრინდელ ანგარიშში არ ხვდებოდა, ხოლო მიმდინარე წლის კონსოლიდირებულ რაპორტში უკვე აღირიცხება, საშუალოდ, რეგისტრირებული მონაცემის 5-6%-ს წარმოადგენს (იანვარი-თებერვალის თვეებში - 276 ფაქტი 7610-დან; იანვარი-მარტის თვეებში - 641 ფაქტი 11708-დან) და შესაბამისად, ამ თანაფარდობით ზრდის კიდევ დანაშაულის რიცხვს.

საერთო რაოდენობრივ მაჩვენებლებზე აღნიშნულის ფაქტორის ზეგავლენის თვალსაჩინო ილუსტრაციას იძლევა ქვემოთ მოყვანილი ცხრილი, საიდანაც 2013 წლის იანვარი-თებერვლის თვეებში ნათლად სჩანს რეგისტრირებული დანაშაულის მხოლოდ 12,3%-იანი, ხოლო იანვარი-მარტის ინტერვალში კი - 10,3%-იანი მატება წინა წლის ანალოგიურ პერიოდთან შედარებით:

პერიოდი	2012 წელი	2013 წელი	+ მატება - კლება
	სულ რეგისტრირებული	სულ რეგისტრირებული	
იანვარი <i>(101 ფაქტი)</i>	3266	3826	+560 +17,1%
თებერვალი <i>(81 ფაქტი)</i>	3300	3737	+437 + 13,2%
იანვარი-თებერვალი <i>(276 ფაქტი)</i>	6530	7334	+804 +12,3%
მარტი <i>(203 ფაქტი)</i>	3525	4193	+668 +18,9%
იანვარი-მარტი <i>(641 ფაქტი)</i>	10033	11067	+1034 +10,3%

შენიშვნა: . მონაცემები დათვლილია ძველი მეთოდოლოგიის მიხედვით, 2013 წლის 8 აპრილის მდგომარეობით;

ამასთან, 2006-2012 წლების ინტერვალში, ძველი მეთოდოლოგიით გაანგარიშებული დანაშაულის საერთო რაოდენობის იანვარ-მარტის პერიოდის 2013 წელთან მიმართება შემდეგნაირია:

პერიოდი	იანვარი		თებერვალი		იანვარი-თებერვალი		მარტი		იანვარი-მარტი	
	სულ	+ მატება -კლება	სულ	+ მატება -კლება	სულ	+ მატება -კლება	სულ	+ მატება -კლება	სულ	+ მატება -კლება
2006	4481	-655	6315	-2578	10756	-3422	5660	-1467	16120	-5053
2013	3826	-14,6%	3737	-40,8%	7334	-31,8%	4193	-26,0%	11067	-31,3%
2007	5181	-1355	5373	-1636	10254	-2920	6149	-1956	15810	-4743
2013	3826	-26,1%	3737	-30,4%	7334	-28,4%	4193	-31,8%	11067	-30,0%
2008	3916	-90	4634	-897	7999	-665	5001	-808	12116	-1049
2013	3826	-2,3%	3737	-19,3%	7334	-8,3%	4193	-16,1%	11067	-8,6%
2009	3809	+17	4067	-330	7529	-195	4099	+94	11044	+23
2013	3826	+0,4%	3737	-8,1%	7334	-2,6%	4193	+2,3%	11067	+0,2%
2010	3096	+730	3304	+433	6086	+1248	3621	+572	9211	+1856
2013	3826	+23,6%	3737	+13,1%	7334	+20,5%	4193	+15,8%	11067	+20,1%
2011	2954	+872	2762	+975	5433	+1901	3368	+825	8344	+2723
2013	3826	+29,5%	3737	+35,3%	7334	+34,9%	4193	+24,5%	11067	+32,6%
2012	3266	+560	3300	+437	6530	+804	3525	+668	10033	+1034
2013	3826	+17,1%	3737	+13,2%	7334	+12,3%	4193	+18,9%	11067	+10,3%

ყოველივე ზემოაღნიშნულიდან გამომდინარე, განსაკუთრებით გასათვალისწინებელი და ყურადსაღებია, რომ სხვადასხვა მეთოდოლოგიით გაანგარიშებული ერთგვაროვანი საანგარიშო პერიოდების მონაცემთა პირდაპირი ურთიერთშედარება თეორიულად მიზანშეწონილი არ არის და გარკვეულ ფარგლებში ყოველთვის ამახინჯებს სურათს მატება-კლების დინამიკისა და ტენდენციების შესახებ.

